



Աշխատանքային այցով այսօր Բյուրեղավան քաղաքում էր Կոտայքի մարզպետ Ռոմանոս Պետրոսյանը։ Բյուրեղավան համայնքի ղեկավար Հակոբ Բալասյանի ուղեկցությամբ մարզպետն այցելեց Բյուրեղավանի ավագ և հիմնական դպրոցներ, տեղում ծանոթացավ առկա խնդիրներին։ Հիմնական դպրոցի առաջին դասարանցիներն այս պահին ուսում են ստանում ավագ դպրոցում։ ՀՀ կրթության նախարարի և Կոտայքի մարզպետի պայմանավորվածության համաձայն ավագ դպրոցի 4 դասասենյակ ժամանակավոր տրամադրել են հիմնական դպրոցի առաջիններին։ Մարզպետը եղավ դասասենյակներում, շփվեց երեխաների հետ։ Այնուհետև աշխատանքային խումբն այցելեց հիմնական դպրոց, որտեղ ամառային արձակուրդներին դպրոցի խնայողությունների հաշվին կատարվել են շինարարական աշխատանքներ՝ ամբողջովին փոխվել են դռներն ու պատուհանները, ցանկապատվել է դպրոցի տարածքը։ Մարզպետին հետաքրքրում էր «Դպրոցական տաք սնունդ» ծրագրի շրջանակներում իրականացվող ճաշարանի բացման հարցը։ Տարվել են որոշակի աշխատանքներ և մինչև հոկտեմբերի 15-ը այն կբացվի։ Դպրոցների տնօրեններին հանձնարարվեց նկատել որոշակի խնդիրները լուծել սեղմ ժամկետներում։ Արդեն տեղեկացրել ենք, որ համայնքների տնտեսական և սոցիալական զարգացմանն ուղղված Կառավարության 2019 թվականի սուբվենցիոն ծրագրով Բյուրեղավան քաղաքում իրականացվել և իրականացվում են ներհամայնքային ճանապարհների ասֆալտապատման աշխատանքներ։ Աշխատանքներին ծանոթանալու համար մարզպետ Ռոմանոս Պետրոսյանի հաջորդ կանգառն այն թաղամասերում է, որտեղ ասֆալտապատման աշխատանքներ են կատարվում՝ 1-ին թաղամաս, Հայրենադարձ թաղամաս և մշակույթի կենտրոնի դիմահայաց տարածք։ Համայնքի ղեկավար Հակոբ Բալասյանը մարզպետին ներկայացրեց կատարված աշխատանքների ընդհանուր պատկերը։ 1-ին թաղամասում բնակիչներն իրենց խորին շնորհակալությունը հայտնեցին կառավարությանն ասֆալտապատման աշխատանքներին աջակցելու համար։

01.10.19